

**Diskursu Embaixadora Karen Stanton nian
iha Loron Independénsia Estados Unidus
Dili, Timor-Leste, 30 Juñu 2017**

Prezidente Tribunal Rekursu Santos, Xefe Kaza Sivíl Presidénsia Repúblika Francisco, Vise Ministru Negósiu Estranjeiru Soares, Distintu Konvidadus, Belun no kolega sira hotu,

Ohin kalan ita halibur iha ne'e hodi hanoin hikas loron ida ne'e, ne'ebé iha tinan 241 liu ba, bainhira Amérika nia fundadór sira hamutuk halo juramentu lori sira nia moris, sira nia rikusoin no sira nia onra sagradu ba prinsípiu definidu katak ema hotu-hotu iha direitu hodi hili oinsá no sé maka sei governa sira. Iha Loron Independénsia, Amerikanu sira halibur hamutuk hodi rekoñese katak loos duni, ita iha ita nia fallansu, maibé buat ne'ebé halo ita nia revolusaun sai úniku no emocionante tebes maka nia muda ona konseitu governasaun ne'e rasik. Ita selebra dadaun Amérika nia aniversáriu iha ne'e, iha Timor-Leste ida ne'ebé independente no nia povu hatudu ona katak valor no aten barani folin-boot mós ba povu sira iha parte seluk husi mundu ne'e nian hafoin liu tiha tinan 240.

Iha tinan kotuk ne'e ita realiza ona eleisaun prezidensiál sira iha Estados Unidus no iha Timor-Leste no iha tempu badak sidadaun Timor-Leste sira sei ba tuir votasaun dala ida tan hodi hili sira nia governu foun. Nasaun rua sente orgullu ho sira ninia kompromisu ba sira nia sidadaun sira nia laran ksolok no responsabilidades iha ita nia nasaun livre no demokrátiku sira.

Enkuantu ita selebra ami nia independénsia tinan ne'e, mai ita halo minutu silénsiu hodi refleta sakrifísiu sira husi sira ne'ebé defende ona ita nia liberdade sira iha ita nia istória.

Enkuantu ita selebra, mai ita hanoin hikas relasaun amizade entre Timor-Leste no Estados Unidus. Mai ita apresia valor sira ne'ebé ita partilla ba malu nu'udar aliserse ba ita nia parseria permanente.

No, enkuantu ita selebra independénsia ita nia nasaun rua nian, ita nia eleisaun sira, no ita nia liberdade, mai ita hotu selebra mós aniversáriu husi ita nia relasaun diplomátiku ba tinan sanulu resin lima.

Iha Estados Unidus, ami marka ami nia Loron Independénsia ho kombinasau patriotismu no piknik. Kalan ne'e, ha'u hein katak imi hotu aproveita momentu furak ne'e iha ami nia festa aniversáriu halo iha dut laran – aproveita diverte ba ho bandeira no ino sira, nan tunu, múzika no dansa, no kór mean, mutin no azul. Obrigada ba imi hotu nia prezensa iha kalan ne'e hamutuk ona iha selebrasaun ba ami nia independénsia.